

**OIC Digesa Segera Bantu Rakyat Syria - Puteri Umno  
Bernama  
25 Aug, 2013**

SUNGAI PETANI, 25 Ogos (Bernama) -- Pertubuhan Kerjasama Islam (OIC) digesa memainkan peranan segera bagi membantu rakyat Syria berikutan serangan senjata kimia yang mengorbankan lebih 1,300 nyawa.

Naib Ketua Puteri Umno Shahanim Mohamad Yusof berkata pergerakan itu mengutuk sekeras-kerasnya kejadian itu, yang menyebabkan ramai terbunuh khususnya, kanak-kanak dan wanita.

"Kita sangat prihatin dan menjiwai penderitaan anak-anak kecil di sana. Husteru, OIC digesa memainkan peranan segera bagi membantu rakyat Syria.

"Kerajaan Malaysia juga diharap dapat menghulurkan bantuan dari segala aspek untuk membantu rakyat negara itu," katanya yang juga Pengerusi Biro Antarabangsa Pergerakan Puteri Umno dalam sidang media di sini hari ini.

Akhbar sebelum ini melaporkan lebih 1,300 orang terbunuh apabila tentera Syria menggempur pinggir Damsyik dengan senjata kimia yang mengakibatkan ramai terkorban.

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=972457>